



Creation de l'homme, que Dieu constitua dominateur sur tous animaux, tant celestes, que terrestres, & aquatiques.

LN cinq iours Dieu crea tout ce que contient cét Vniuers, celeste, terrestre, & aquatique, Et au sixiesme Dieu dit, Faisons l'homme à nostre image & similitude, & qu'il ait domination sur les poissons de la mer, sur les oiseaux du Ciel, sur les bestes, & sur toute la terre, & sur les reptiles. Dieu donc forma l'homme du limon de la terre, & l'inspira en la face, de l'esprit de vie, & l'homme a esté fait ame viuante, & les crea male & femelle, pour apres multiplier sur la terre, & pour auoir seigneurie sur tout le contenu d'icelle. Aussi le Seigneur luy donna tous arbres fructiers & herbes pour luy & sa posterité, & leur seruir de viande, mesmes aussi à tous les animaux de la terre, & aux oiseaux du Ciel, & à toutes choses mouuantes, & ayans ame viuante, pour manger. Et Dieu vid que tout ce qu'il auoit fait estoit bon, & lors fit du soir & du matin le sixiesme iour. Les Cieux donc & la Terre, & tout l'ornement d'iceux furent accomplis au septiesme iour, lequel il benist & sanctifia : car en ce iour il auoit cessé son oeuvre. Telles sont les generations du Ciel & de la Terre, quand ils furent créés.